



Crna Gora

Ministarstvo vanjskih poslova

Adresa: Stanka Dragojevića 2,  
81000 Podgorica, Crna Gora  
tel: +382 20 416 341  
fax: +382 20 225 702  
[www.mvp.gov.me](http://www.mvp.gov.me)

Generalni direktorat za Evropsku uniju

25. april 2025.

Br: *7/1-904/25-1783*

## **PLATFORMA**

***za učešće potpredsjednika Vlade i ministra vanjskih poslova mr Ervina Ibrahimovića na neformalnom sastanku ministara vanjskih poslova država članica EU (Gymnich) sa ministrima vanjskih poslova zemalja kandidata u okviru predsjedavanja Poljske Savjetom EU, Varšava, 8. maj 2025.***

Potpredsjednik Vlade i ministar vanjskih poslova mr Ervin Ibrahimović, na poziv ministra vanjskih poslova Poljske, učestvovaće na neformalnom susretu ministara vanjskih poslova država članica EU (Gymnich) sa ministrima vanjskih poslova zemalja kandidata, koji će se održati u Varšavi 08. maja 2025. godine.

Učešće potpredsjednika Vlade i ministra vanjskih poslova na neformalnom sastanku ministara vanjskih poslova država članica EU i zemalja kandidata predstavlja još jednu priliku za predstavljanje rezultata koje Crna Gora ostvaruje u procesu integracija i potvrđivanje posvećenosti ispunjavanju obaveza iz evropske agende kako bismo postali punopravna članica do 2028. godine.

U kontekstu prioriteta poljskog predsjedavanja Savjetom EU, ministri vanjskih poslova zemalja članica EU i ministara vanjskih poslova država Zapadnog Balkana će razgovarati o aktuelnim izazovima u vanjskoj i bezbjednosnoj politici u novonastalim geopolitičkim okolnostima, uključujući pitanja vezana za stabilnost i evropsku integraciju zemalja regiona Zapadnog Balkana.

Susret u Varšavi, nedugo nakon sastanka u istom formatu u okviru Savjeta za vanjske poslove koji je održan u Luksemburgu 13. aprila 2025, predstavlja priliku da se nastavi razmjena mišljenja, dijalog i bliska saradnja zemalja Zapadnog Balkana i Evropske unije

o svim pitanjima od zajedničkog interesa, s posebnim akcentom na bezbjednosnu politiku.

Potpredsjednik Vlade i mvp Ibrahimović će na sastanku ponoviti privrženost Crne Gore Zajedničkoj vanjskoj i bezbjednosnoj politici EU sa kojom se u kontinuitetu u potpunosti usaglašava, pokazujući time i posvećenost evropskim vrijednostima. S obzirom na sve kompleksnije geopolitičko okruženje, naglasiće i važnost evropske perspektive Zapadnog Balkana, te proširenja Evropske unije, kao jedne od njenih najuspješnijih politika. U tom kontekstu, Crna Gora predstavlja primjer države kandidata koji će svojim rezultatima pokazati spremnost da postane prva naredna članica EU, što će biti dodatna potvrda kredibilitnosti politike proširenja.

Neformalni sastanak ministara vanjskih poslova država članica EU i zemalja kandidata biće prilika i za niz bilateralnih susreta na marginama događaja.

#### Sastav delegacije

Delegaciju Crne Gore će predvoditi potpredsjednik Vlade i ministar vanjskih poslova mr Ervin Ibrahimović, a u delegaciji će biti:

- Snežana Radović, VD generalnog direktora za EU.

Troškove posjete crnogorske delegacije Varšavi snosi Ministarstvo vanjskih poslova Crne Gore.